



古今詩刪卷之三十三

濟南李攀龍

選

吳興徐中行

訂

門人新都汪時元校刻

明七言絕句

劉基

。仙人詞

玉府仙人冰雪姿生來即遣侍瑤池五雲隔斷
塵凡路說着人間總不知

。漢宮曲

小兩如烟晝掩扉。捲簾忽見燕雙飛。不知春色能多少。總向昭陽柳上歸。

。雙帶子

嫁時雙帶綉麒麟。翠葉金花色色新。寧教玉匣蒙珠網。不肯將來別贈人。

。竹枝歌

陽臺雲雨謾荒唐。巫峽啼猿枉斷腸。莫向蒼梧山下去。九疑愁色滿瀟湘。

。春江曲

江上風帆日日歸。獨自在狂夫。音信稀無因。化作鷓鴣鳥。隨著郎船到處飛。

王蒙

。宮詞

南風吹斷採蓮歌。夜雨新添太液波。水殿雲廊三十六。不知何處月明多。

高啓

少年行

古今詩集 卷三十一
下直平明出禁門。提携博局伴王孫。寶刀不敢
將輸却。明日沙場欲報恩。

洞房曲

洞房香吐合昏花。月轉句欄啼乳鴉。今宵有酒
留君醉。不信倡家勝妾家。

吳宮詞

芙蓉水殿屨廊東。白苧秋來不耐風。怪得君王
長夜醉。月明歌舞在舟中。

楚宮詞

雨去雲來十二峯。渚宮樓閣暮重重。細腰無限
空相妬。不覺瑤姬夢裏逢。

魏宮詞

翡翠明珠入掌新。承恩長占鄴宮春。至尊休信
陳王賦。那得人間有洛神。

吳王井

曾開鑑影照宮娃。玉手牽絲帶露華。今日空山
僧自汲。一銚寒供佛前花。

宮女圖

古今詩冊 卷三十三
女奴扶醉踏蒼苔。明月西園侍宴迴。小犬隔花空吠影。夜深宮禁有誰來。

。山中別寧公歸西塢

一上香臺看落暉。沙村孤樹晚依依。老僧不出青山寺。只有鐘聲送客歸。

。方匡師畫

畫圖忽見白雲峯。茶屋香臺樹幾重。身若在師行道處。晚來誰訝不聞鐘。

。戴叔鸞入江夏山圖

歸隱初辭薦辟章。西風黃葉滿車箱。青牛只識山中路。不是無心向洛陽。

楊基

。十二紅圖

何處飛來十二紅。萬年枝上立東風。楚王宮殿俱零落。說盡春愁細雨中。

。紅椒仕女圖

兩樹紅椒隔禁扉。晚涼携伴試羅衣。金鈴小犬迎人吠。應怪秋來出院稀。

張羽

。燕山春暮

金水橋邊蜀鳥啼。玉泉山下柳花飛。江南江北
三千里。愁絕春歸。客未歸。

劉仔肩

。望闕口號

閶闔排雲玉殿開。千官鵷鷺早朝回。不知誰獻
王褒頌。得奉君王萬壽杯。

董良史

。江行

江水悠悠江路長。孤鴻啼月有微霜。十年蹤跡
渾無定。莫更逢人問故鄉。

孫蕢

。寄王彥舉

綠楊陰下玉驄嘶。絲絡銀瓶帶酒携。夢入南園
聽夜雨。不知身在蔣陵西。

林鴻

。題朱舍人爲史太守寫梧竹

舍人退食。寫閑情。公子開械。玉雪清。曾向鳳池
同夜直。掖垣梧竹。總秋聲。

袁凱

。淮西夜坐

蕭蕭風雨滿關河。酒罷西樓聽鴈過。莫怪行人
頭白盡。異鄉秋色不勝多。

。客中夜坐

夜雨蕭蕭江水長。故園歸路更茫茫。一聲新鴈
三更雨。何處行人不斷腸。

劉績

。畫馬

雙駒汗血已斑斑。蹀躞春風意態閑。聞道千金
求駿骨。不應龍種在人間。

任立

。贈同舟從軍林生

青天無蓋碧波長。百丈雲帆挂夕陽。海路音書
何處寄。北風征鴈不成行。

趙玠

城南書事

三年爲客寄龍沙。望斷南雲不見家。唯有受降城外月。照人清淚落胡笳。

王恭

步虛詞

綠章封事奏瑤京。侍女如花弄玉笙。夜半朝回人上鶴。九天環珮月中明。

胡儼

詔直內閣即事

清曉朝回秘閣重。坐看宮樹露華濃。碧窻朱戶圖書滿。人在蓬萊第一峯。

王英

重登岳陽樓望君山

南湖烟水接天流。天際孤峯掌上浮。欲吊湘君何處是。不堪重倚岳陽樓。

鍾政

到揚州

樹繞人家水抱城。何郎去後減詩情。不知東閣

梅何處。二十四橋空月明。

郭元登

○ 甘州

甘州城西河水流。甘州城北胡雲愁。玉關人老
貂裘敝。苦憶平生馬少游。

熊直

○ 薊門秋夕

清漏遲遲月轉廊。博山銷盡水沉香。重城不鎖
還家夢。兩夜分明到故鄉。

薛瑄

○ 竹枝歌

錦官城東多水樓。蜀姬酒濃消客愁。醉來忘却
家山道。勸君莫作錦城遊。

沈愚

○ 舊遊即事

冶城東畔舊亭臺。寂寂朱扉映竹開。一樹碧桃
都落盡。去年蝴蝶却飛來。

○ 寄淮南

古今詩冊 卷三十三 一八
江南江北路迢迢。風滿江帆。鴈影飄。最好鳳凰
臺上月。共誰携酒聽吹簫。

張楷

古詞

羅帕凝香濕未乾。朱櫻窻外雨生寒。燈花知是
虛傳喜。落盡青煤誓不看。

聶大年

題畫瓜

翠實離離引蔓秋。西風涼露滿林丘。東門尚有
閒田地。千載無人說故侯。

李東陽

題趙仲穆挾彈圖

東風挾彈小城春。遊騎飛韁不動塵。道上相逢
休借問。衛家兄弟霍家親。

畫竹

漢臯亭上起秋風。夜逐湘靈下楚宮。曉入碧雲
看不見。墮釵遺珮各西東。

楊時秀

古今詩冊 卷三十三 十九
吳宮

盡棟雲消夜色清。宮前溝水作秋聲。如何醒得吳王夢。多少花枝壓禁城。

周在

閨怨

江南二月試羅衣。春盡燕山雪尚飛。應是子規啼不到。故鄉雖好不思歸。

李夢陽

郊祀歌

壇官秉笏候金鐘。月出西南照雪峯。不向蓬萊看五色。那知天子是真龍。

贈黃州守

黃州江比使君清。赤壁山留萬古名。黃州小兒騎竹馬。來時相送去時迎。

過王子

率爾高陽飲博徒。酣歌擊劍膽何麤。金門貴客如相許。徑脫霜裘付酒壚。

贈李沔陽

古今詩冊 卷三十三 十一
雲寥寥茫茫繞一州。滔滔江漢古今流。問俗不須
乘五馬。畫船鏡吹水鄉遊。

○雲中曲

白登山寒低朔雲。野馬黃羊各一群。冒頓曾圍
漢天子。胡兒惟說李將軍。

塞上

天設居庸百二關。祁連更隔萬重山。不知誰放
呼延入。昨日揚河大戰還。

○歸途咏古

河濟誰言不共流。青春惡浪古懷州。蕩搖少室
三花樹。倒峽天壇白石樓。

○登嘯臺

白日紅雲拂地流。醉鄉吾亦步兵遊。登臺左眄
黃河轉。綠水洪波不盡愁。

○春日謾興

十日不出花盡開。城南城北看花來。即教閉戶
從花盡。莫遣看花不醉迴。

○送周判官

青燈綠酒五花裘。客舍新秋螢火流。問君不飲
真何事。明日出城風葉愁。

何景明

諸將入朝歌

群公陪宴栢梁臺。殿上傳呼萬壽杯。元戎節鉞
來江上。使者樓船泛海迴。

寄鄭繼之

台嶽中峯綵霧生。石梁遙挂赤霞城。仙潭尺素
傳雲鯉。報爾今尋華頂行。

送汝慶還關中

華岳雲臺萬里情。高秋落日眺秦城。黃河一線
通滄海。身在仙人掌上行。

終南篇

離宮別館舊京華。表裏關河屬漢家。二閣天圍
青錦帳。五臺雲湧石蓮花。

徐禎卿

燕京夏歌

暑殿金泉枕碧山。清涼樓閣五臺間。赤日不行

古今詩冊 卷三十三
葱嶺北。雪花長繞玉門關。

送蕭若愚

送君南下巴渝深。予亦迢迢湘水陰。前路不知
何地別。千山萬壑暮猿吟。

邊貢

迎鑾曲六首

金陵今古帝王都。碧石清江一畫圖。五聖百年
虛想像。鑾輿曾到此間無。

其二

自采民風問老農。微行不遣近官從。那知天子
關天象。到處雲成五色龍。

其三

羽蓋霓旌曉出遊。緋霞紅日抱江流。雲中帝子
三千闕。海上仙人十二樓。

其四

弓如滿月向江開。箭插寒潮捲浪迴。水上鼉鼉
莫深避。我皇元爲射蛟來。

其五

古今詩集 卷三十三
潮落江門烟水秋。雲帆月下過揚州。兩京馳道
三千里。夾岬垂楊接御溝。

其六

瑟瑟金風鳴玉鑾。路車何日到長安。官河不似
江濤險。只恐秋深白露寒。

金陵逢方日升

燕市分携十七春。白門相見白頭新。鳳凰樓下
含春客。江海飄零有幾人。

劉希尹謫壽春

淮南花雨送春還。叢桂陰陰郡閣間。自是劉安
有仙骨。謫居猶近八公山。

送潘伯振守漢中

石棧凌雲鳥道斜。漢中城府枕三巴。楓林落葉
猿聲滿。那得行人不憶家。

送蘇別駕

去歲秋風別省闈。木犀花落雨霏霏。那知此日
江陵郡。春草連天送客歸。

題美人寄胡丈

古今詩冊 卷三十三 十四
月宮秋冷桂團團。歲歲花開只自攀。共在人間說天上。不知天上憶人間。

○海青圖

雲暗胡天雪滿衣。駕鵝聲亂海青飛。李陵臺下陰山北。正是單于夜打圍。

○敖子發水亭

曲徑回廊接圃深。竹窻松戶曉陰陰。幽花不阻三春夢。明月長懸萬里心。

○觀城歌

睥睨連雲十二樓。西南形勝數荊州。已教峴首爲屏繞。更遣巴江作帶流。

○雜興

御溝東畔柳成林。御水盈盈十里陰。白馬青衫橋上客。春來多少故園心。

○大隄曲

大隄女兒花見羞。大隄楊柳映青樓。金臺滿注楚城酒。醉殺狂夫不解愁。

○綠珠怨

古詩集 卷三十一 十五
主家高樓天與齊。妾身不惜委黃泥。他生願作
銜泥燕。長傍高樓梁上棲。

王雲鳳

送客

春濕蒸雲雨欲絲。飄飄遊子別離時。愁看陌上
青青草。送盡行人揔不知。

薛蕙

皇帝行幸南京歌二首

翩翩翠蓋覆鳴鑾。詔許都人夾道看。樂府盡歌
楊柳曲。後車多著鷓鴣冠。

其二

燕姬玉袖抱箜篌。馬上長隨翠輦遊。春來照影
秦淮水。愛殺江南雲母舟。

鄭善夫

擢歌二首

鴻鴈飛來風雪心。鴻鴈飛去天山陰。二月天山
風雪淺。六月天山風雪深。

其二

古今詩冊 卷三十三 十一
青螺江頭遊子吟。黃金臺上秋雲深。風塵一別
一萬里。美人駕車傷我心。

送劉伯儒侍御謫嶺南

尉佗城外泛孤槎。西望峨眉不見家。莫道日南
天萬里。歸心一夜過三巴。

方豪

。峇林炫見懷

榕江江上片帆歸。江草江花映竹扉。明月長看
漁父醉。白鷗不道主人非。

王廷相

。平南凱還歌

詔下團營大點兵。我皇親作冠軍行。九河壓地
樓船去。八月橫天劍戟明。

行邊

榆林上郡跨雄圖。况是君王拜郅都。夜發金符
催出塞。朝開罽帳獻擒胡。

。巴人竹枝歌

江草江花滿眼新。不知郎處幾多春。愁來欲上

古今詩集 卷三十三 十七
東峯望。上到東峯愁殺人。

遊仙

南極老人乘彩霞。赤松仙人上清家。海陽舊種扶桑樹。春到齊開五色花。

宮詞

雲髻峨眉紫鳳笙。三千隊裏獨分明。君恩莫作尋常看。一別昭陽便隔生。

扈從謁陵歌

十二龍旂向曉開。行宮深度五雲來。詞臣奏罷長陵賦。不數甘泉侍從才。

韓邦靖

謾成

沙苑烟光近白樓。黃河清渭兩交流。牛羊落日新丘壠。楊柳春風古渡頭。

張治

登石鐘山望廬山

廬嶽亭亭翠萬重。懸泉千尺挂飛龍。石鐘山下江如鏡。映出青天五老峯。

古今詩刪卷之三十三

古今詩刪卷之三十四

濟南李攀龍

吳興徐中行

門人新都汪時元校刻

明七言絕句

楊慎

萃燭引

菖蒲傳酒座欲闌碧玉舞罷羅裳單流雲影射
荆王枕曉露光搖漢帝盤

古今詩冊 卷三十四
望中條山

征馬長鳴向北風，嶠關回首暮天東。
太行過盡中條出，一路青山白雪中。

寄遠

濯錦江頭烟水綠，相思萬里人如玉。
瑤琴別後不曾彈，今朝才理將歸曲。

江陵舟中贈田李二子

落月寒沙夜未分，玉簫金管醉中聞。
明朝回首沅江路，愁聽青猿和白雲。

流螢篇

蕩子從軍向月支，閨人對影滯秋期。
蠶書宛轉連環字，鴈帛殷勤織錦詩。

唐順之

南征歌

月明吹笛武陵川，馬上行人望跼鳶。
莫怕交洲饒毒霧，一冬飛雪似胡天。

塞下曲

青袍白馬紫茸鞞，不向沙場便酒樓。
夜來一賭

青錢盡。尚有囊中血。髓。髓。

皇甫孝

贈友

隱處同鄉。溪水濱。鹿門蘿。月夢中。春興來。呼酒何知客。老去忘機不避人。

靳學顏

東京歌二首

美人挾瑟上高堂。四座酒行殊未央。何愁若華翳白日。賸有明珠照夜光。

其二

濯龍門外車馬流。誰人不道入青樓。盧家少婦鳴箏坐。逢着春光不解愁。

王維禎

送陸史之楚

楚苑天南暖不遲。隔年梅柳已多姿。春來花絮紛紛起。絕勝梁園雪裏時。

俞憲

遼城寄憶

古今詩冊 卷三十四 三
胡天一望盡高秋。忽傍中原憶舊遊。漢省春風吹視草。庾家明月照登樓。

遼城望月

片月盈盈海外生。遙應九塞一時明。望京樓上頻回首。何處清光五鳳城。

張才

朝陵歌二首

本朝陵墓傍燕關。殿閣參差霄漢間。王氣千年朝北極。雄圖萬里抱西山。

其二

松門回首七陵遙。春殿金燈鎖寂寥。地迥忽看星斗動。夜深疑有鬼神朝。

謝榛

衛水

城外河流白練長。城中萬戶正秋光。秋來偏作還家夢。河水東流到故鄉。

遊金燈寺

策杖穿林路幾重。禪家清磬隔雲峯。再來只恐

古今詩冊 卷三十四 四
無尋處好記懸厓一古松。

。郭壽卿園亭

郭家亭子夾松篁。把酒臨池幽興長。人在千山秋色裏。不知雲氣滿衣裳。

送王夢白歸江東

吳帆歸去逐江雲。白鶴橋西舊隱君。門掩梧桐賦搖落。秋風不是客邊聞。

。本公山房

蒲山秋色亂寒松。天外遙傳日暮鐘。爭怪簷前起雲霧。誰知鉢底卧蛟龍。

。擣衣曲

秦關昨夜一書歸。百戰猶隨劉武威。見說平安收涕淚。梧桐樹下搗寒衣。

。尋葛徵君

城西閒訪葛洪家。籬落秋餘白菊花。高卧自知無俗夢。數椽茅屋在烟霞。

。水仙花

月爲精魄水爲神。素質先含雪。裏春羅襪凌波

古今詩冊 卷三十四
斷行跡。誰能喚起弄珠人。

許邦才

呈劉兵憲

建節西南漢大夫。飛揚萬里見雄圖。即因筇竹收諸郡。更遣葡萄達上都。

留別劉公

秋風長缺幸生還。明日孤臣入楚關。莫道三年人萬里。天涯消得幾重山。

汴河守凍

客館寒燈淚滿襟。間關萬里欲歸心。眼前一水冰霜苦。又說三江瘴癘深。

寄懷元美

鴻鴈驚秋海上還。片雲孤月薊門關。柰何昨夜西窻夢。不道千山與萬山。

送別郭子坤赴選二首

十年高枕戀柴關。此夕青樽照別顏。不是乞爲勾漏令。那能更出句容山。

其二

古今詩冊 卷三十四 六
老去風雲意氣孤。因君更與話江湖。定經燕市
悲歌。地爲問。當年舊酒徒。

。席上贈于鱗

不見春風柳復青。故人江海坐漂零。即今賸有
陶家酒。一月休教一日醒。

。送段侍御

白簡高秋覲九重。五花驄馬疾如龍。車輪就取
都亭下。霜氣還清長樂鐘。

。送高都護入賀

將軍白馬插彫弧。自傍屬車誇射烏。陛下聖
明三萬歲。微臣直至執金吾。

。懷王元美

吳門秋色杳佳期。濁酒青山對爾詩。也道風流
非昔日。猶堪抵掌見當時。

。與于鱗遊南山初宿天井寺

千峯寒色照驪裘。歲暮還堪載酒游。初宿南岩
天井寺。便聽一夜石泉流。

。夜投林泉觀

古今詩冊 卷三十四 七
落日相將萬疊山。深林何處有柴關。不因邂逅
岩扉宿。誰信天台隔世間。

送謝中丞歸射洪二首

安石風流戀主情。江湖無日不蒼生。還看北墅
圍碁日。未許人聞折屐聲。

其二

巫峽江陵一水分。猿聲兩岸夜成群。遙知月下
孤臣淚。才過三聲不可聞。

九日于鱗招飲南山二首

新詩忽自故人來。欲採黃花薦酒杯。城外青山
城裏見。東籬那忍獨徘徊。

其二

歲序驚心水急流。年來又白幾人頭。那知綠酒
青山外。惟有黃花似故秋。

答寄于鱗

結交當日擬荆高。那管傍人笑我曹。醉後悲歌
燕市裏。一時海內更無豪。

得于鱗書却寄

古今詩冊 卷三十四
青春載酒上平臺。忽報文園寄賦來。賓客一時俱授簡。人間難得是仙才。

。丁香花

蘇小西陵踏月回。香車白馬引郎來。當年剩縮同心結。此日春風爲翦開。

李先芳

。早春懷元美

新正簫鼓日紛紛。雪霽遙看玉筍雲。借問江城春幾許。梅花落盡不逢君。

。臨江節士歌

臨江節士泣秋風。夜來劍鳴深鞘中。龜甲龍鱗各相似。誰能辨我是雌雄。

王世貞

。送于鱗還郡

石門高峽沙丘臺。五馬春停天地開。無限北風吹不到。萬家明月待君來。

。別于鱗諸君二首

金河楊柳未堪齊。馬首傳觴白日低。俠客自來

古今詩集 卷三十四 九
輕別甚醉。乘飛雨。薊門西。

其二

塞雲吹盡出榆關。不斷胡天指掌間。應是爾曹
高詠發。忽驚飛雪捲燕山。

于鱗郡齋

太行西北擁嵒峩。立馬寒雲豫讓橋。俱道挂冠
同指掌。不知山色爲誰驕。

奉荅于鱗

鵲湖春雨暗青山。流水桃花天地間。共道閉門

無一事。不知清淚落人間。

寄謝茂秦

亦知留趙魯先生。片語能尊萬乘名。何事平原
無上客。却教雙壁贈虞卿。

寄伯承

漢帝秋風在栢梁。一時詞賦有輝光。那知此日
文園令。猶有金莖露未嘗。

寄荅子與

白雪誰傳和郢篇。中原風色尚蒼然。故人儻問

古今詩冊 卷三十四 十一
行藏事。自種要離墓畔田。

徐中行

送子相

妙高峯上試登臨。月色潮聲盡古今。詞客豈須愁病肺。中泠泉水更清心。

送于鱗之邢州三首

趙地山河擁上京。于今保障有長城。停車襄子宮前問。猶說當年國士名。

其二

東平俠客有劉生。寶劍千金舊署名。忽道明朝脫相贈。夜深風雨匣中鳴。

其三

十年西省尚書郎。此日新携刺史章。明月一尊開北海。春風千騎下東方。

送許趙州兼訊李邢州

青春五馬下燕京。自喜分符近李生。雙壁千秋重入趙。共看明月照連城。

送元美二首

古今詩冊 卷三十四
高秋獨上白登臺西北浮雲晝不開忽見千山
飛雪下驚傳漢使自天來

其二

醉携長劍倚高秋忽見黃河天外流莫更臨風
歌出塞九邊寒色不禁愁

同明卿惟敬登太白樓

醉携遷客上雲梯睥睨烟霄萬象低便欲乘風
登日觀蒼茫海色使人迷

感舊

自別燕臺白日徂華陽碣石總荒蕪獨留一片
西山月猶照當年舊酒壚

懷于鱗

黃河萬里接崑崙太華天開西極尊一自凌雲
來賦客未論紫氣滿關門

征南鏡歌二首

誓師親上越王臺東望扶桑海色開鉦鼓三江
殷地起鰲鼉萬里蹴天來

其二

古今詩集 卷三十四 十三
橫海樓船大出師。青山千里列旌旗。會稽擬作
燕然石。震澤今爲飲馬池。

于鱗謝病歸濟南寄訊

白雲湖上萬山青。日日茅堂醉復醒。不是楊雄
耽寂寞。千秋誰見太玄經。

寄荅汝南諸明府

景夷臺上白雲秋。懸瓠城邊汝水流。却憶諸君
明月夜。臨風清嘯滿南樓。

吳國倫

送于鱗還郡

千門楊柳暗燕關。不繫邢州五馬還。寂寞孤城
君更卧。白雲愁殺太行山。

秋夜懷子與

扁舟自去浮湘水。倦客常懷卧茂陵。秋湛漢宮
金掌露。月明滄海玉壺冰。

九日同于鱗賦

秋深木落鴈南飛。客裏風霜欲授衣。燕市酒酣
聊共賦。龍山家在未能歸。

古今詩冊 卷三十四 寄懷于鱗

聞道齊中老伏生。遠携妻子歷山耕。漢家若有傳書詔。使者何從問姓名。

再寄于鱗

日日東山望裏春。那驅羸馬向風塵。誰將馬上春雲色。一寄山中抱膝人。

懷于鱗

渭水秦關天上迴。使君持節馭風雷。不妨萬里無書寄。紫氣常從西極來。

香爐峯

山烟細細五雲盤。散入春陰楚甸寒。我欲峯頭瞻北極。香爐不似殿中看。

石鏡峯

萬仞峯頭石鏡懸。平臨日月倒垂天。滄江夜色寒相照。下有驪龍不敢眠。

夢蝶卷

曲陽城頭花未開。漆園夢裏蝶飛來。年年蝶爲春花老。千古莊生夢不回。

古今詩冊 卷三十四
宗臣

塞上歌送王少司馬赴薊鎮

司馬頻年西破戎，詔書又下九華宮。
親提萬騎如風雨，一夜來屯紫塞東。

過采石江懷李白三首

楚水秋風楓樹高，片帆孤月下江濤。
娥眉亭下芙蓉色，猶似當年宮錦袍。

其二

采石磯頭坐白雲，青楓浦地落紛紛。
夜深吹笛

江亭上明月，窺人恐是君。

其三

青山千仞落寒潭，采石舟楓一駐驂。
君跨長鯨去不返，獨留明月照江南。

高岱

省中

蕭蕭竹徑暝烟浮，散帙鳴琴事事幽。
若比瀟湘漁父隱，門前只少木蘭舟。

涼州曲

古今詩冊 卷三十四
賀蘭烽火接居延。白草黃雲北到天。一片城頭
青海月。十年沙磧伴人眠。

魏裳

寄元美

朱絃一絕少知音。白雪難酬國士心。腰下青萍
君所贈。至今風雨作龍吟。

張佳胤

送劉使君之襄陽

太嶽天門紫氣垂。松花片片曉風吹。孤懷化作

千峯月。夜夜隨君君不知。

題徐生夢雲卷二首

海西削出千芙蓉。歲晚滄江有卧龍。枕上風塵
吹不到。石門日日紫霞封。

其二

夜半天雞啼紫烟。瓊裾長共白雲眠。高松萬壑
搖明月。無數寒濤落枕邊。

陳宗虞

送胡生南歸

揚子江風落暮潮。瓜州夜月起蘭橈。西湖歸去
三千里。家在芙蓉第一橋。

張獻翼

。九日遲伯氏歸

秋日淒淒百卉腓。遲遲行道中心違。旅人若忘
茱萸節。直取登高當遠歸。

張簡

。咏潘邠鄆韓妓

怕聽邠鄆陌上歌。千金不惜購韓娥。潘安自是
風流客。此日叢臺興轉多。

潘子震

。秋樹下送張雲少憲使

老樹臨風葉半黃。一樽岐路又斜陽。別君何必
折楊柳。只此秋聲已斷腸。

汪時元

。春日謾興

春風爲我報花開。我爲花開載酒來。莫道少年
花裏醉。白頭曾。是醉花回。

奉送觀察李徐二師方舟北上二首

兩岸垂楊縮別愁。長風曉發過揚州。只看雲裏雙帆影。不盡黃河天漢流。

其二

廣陵濤起白雲寒。北望燕臺路渺漫。李郭脩然明月下。滿船秋色到長安。

釋守仁

明皇小車圖

宮門日出乳鴉啼。仙漏沈沈樹影低。朝罷千官無一事。車聲又過壽陽西。

明六言附

高啓

瓊姬墓

夢別芙蓉殿頭。斷釵零落誰收。土昏青鏡忘曉。月冷珠襦恨秋。麋鹿昔來廢院。牛羊今上荒丘。香魂若怨亡國。莫與西施共遊。

楊氏山庄

斜陽流水幾里。啼鳥空林一家。客去詩題柿葉。

古今詩冊 卷三十四
僧來供煮藤花。

韓奕

雜興

一巷西風落葉。半窗斜日殘書。年老怕逢人事。天寒不出吾廬。

王恭

題小景

白鷗門外孤艇。黃葉山中一瓢。惆悵青雲舊侶。相思不到漁樵。

徐從禮

題水墨小景二圖

小艇水雲澗口。孤琴蘿月山陰。郢曲向來誰和。林泉亦有知音。

其二

出岫雲非有意。忘機鳥亦知歸。莫話城中舊事。與君同是荷衣。

張楷

送鄭二之第山

古今詩冊 卷三十四 十九
芳草隄邊渡水。百花原上逢春。在世誰非過客。
入山方是閑人。

孫一元

田家

手疏偶然辭主。腰鎌率爾爲農。今日田園自許。
平時車馬相從。

楊慎

送客

合樽且醉花間。分襟易慘離顏。朝下春風紫陌。
天涯落日青山。美人明月相望。游子浮雲獨還。
愁見河橋柳色。勞歌一曲陽關。

王世貞

齊南道中

脩脩栝栢風緊。藹藹桑榆日斜。莫怪牛羊不下。
中峯自有人家。

于鱗郡齋

使君盡酒不醉。郡閣先秋自寒。乾坤乍容車馬。
湖海漸入衣冠。

古今詩刪卷之三十四



